



"Tri će kategorije ljudim imati dvostruku nagradu: sljedbenik Knjige koji je povjerovao u svoga poslanika i povjerovao u Muhammedovo poslanstvo, rob koji izvršava Allahovo pravo i pravo svoga vlasnika i čovjek koji ima robinju koju lijepo odgoji i lijepo je pouči, zatim je oslobodi pa se njome oženi. Eto, i on će imati dvostruku nagradu."

Ebu Musa el-Eš'ari, radijallahu anhu, prenosi da je Allahov Poslanik, sallallahu aljehi ve sellem, rekao: "Tri će kategorije ljudim imati dvostruku nagradu: sljedbenik Knjige koji je povjerovao u svoga poslanika i povjerovao u Muhammedovo poslanstvo, rob koji izvršava Allahovo pravo i pravo svoga vlasnika i čovjek koji ima robinju koju lijepo odgoji i lijepo je pouči, zatim je oslobodi pa se njome oženi. Eto, i on će imati dvostruku nagradu."

[Vjerodostojan] [Hadis bilježi imam Buhari]

Tri kategorije ljudi na Sudnjem će danu za dobro djelo dobiti dvostruku nagradu. Naime, Poslanik je spomenuo sljedbenika Knjige, odnosno židova ili kršćanina, koji je povjerovao u svog poslanika (prije Muhammedova, sallallahu alejhi ve sellem, poslanstva), a to su Musa i Isa, alejhimas-selam, zatim je, nakon što je Allah poslao Muhammeda, i nakon što mu je stigla uputa, povjerovao i u njegovo poslanstvo. Takav čovjek imat će dvostruku nagradu: nagradu za vjerovanje u poslanika koji mu je poslan i nagradu za vjerovanje u poslanstvo poslanika Muhammeda, sallallahu alejhi ve sellem. Zatim, tu je rob koji iskreno i odano robuje Allahu Uzvišenom i na najbolji način izvršava ono čime ga je zadužio njegov vlasnik - i njemu pripada dvostruka nagrada. Naposljetku, tu je i čovjek koji ima robinju, koju zatim lijepo odgoji i pouči dozvoljenim i zabranjenim stvarima u vjeri, zatim je oslobodi i nakon toga se njome oženi - i njemu pripada dvostruka nagrada: nagrada za njeno poučavanje i oslobađanje te nagrada za njegovo dobročinstvo prema njoj tako što je nakon oslobađanja nije ostavio, nego se njome oženio i time zaštitio i sačuvao njenu čast.

النجاة الخيرية
ALNAJAT CHARITY

